

kredit-hlið færir heildarfjárhæð endurgreiðslna á uppgjörstímabili, þegar skattstjóri hefur samþykkt endurgreiðslubeiðni, sbr. 4. gr. Endurgreiðslan skal tilgreind annað hvort sérstaklega í ársreikningi sem fylgir skattframtali eða í skýringum með honum.

4. gr.

Reglugerð þessi, sem sett er með heimild í 42. gr. laga nr. 50/1988, um virðisaukaskatt, gildir frá 1. júlí 1993.

Fjármálaráðuneytið, 10. ágúst 1993.

F. h. r.

Indriði H. Þorláksson.

Snorri Olsen.

SAMÞYKKTIR

fyrir Innheimtustöð gjalda skv. 11. gr. höfundalaga.

1. Nafn og aðsetur.

- 1.1. Samtökin heita Innheimtumiðstöð gjalda skv. 11. gr. höfundalaga, skammstafað IHM. Heimili miðstöðvarinnar og varnarþing er í Reykjavík.

2. Tilgangur og viðfangsefni.

- 2.1 Innheimtustöðin er hagsmunasamtök höfunda, listflytjenda og framleiðenda til réttargæslu í samræmi við 11. gr. 3. og 4. mgr. höfundalaga. Innheimtumiðstöðin hefur það ekki að markmiði að safna eignum í eigin þágu.
- 2.2 Innheimtustöðin hefur eftirfarandi viðfangsefni í samræmi við tilgang sinn:
 1. Að safna upplýsingum, annast innheimtu gjalda skv. 3. og 4. mgr. 11. gr. höfundalaganna og skipta þeim milli aðildarfélaganna.
 2. Að annast samskipti við hliðstæð samtök erlendra rétthafa.
 3. Að samhæfa kröfur aðildarfélaganna og annast samningaviðræður og gera samninga á þessu sviði.

3. Aðild.

- 3.1 Aðilar að samtökum þessum eru: STEF, samtök tónskálda og eigenda flutningsréttar, SFH, samband flytjenda og hljómplötuframleiðenda og Rithöfundasamband Íslands. Önnur félög geta sótt um aðild enda teljast þau hafa verulegra hagsmuna að gæta á þessu sviði. Þó geta og önnur félög, sem minni hagsmuna hafa að gæta, öðlast aukaaðild að samtökunum. Einnig ef verulegur hluti rétthafa á tilteknu sviði nær ekki samstöðu um hagsmunagæslu innan eins og sama félags og fleiri félög á því sviði hafa sótt um aðild að samtökunum. Aðeins einu félagi á sama sviði verður veitt full aðild.

4. Skipulag.

- 4.1 Stjórn samtakanna skipa fimm menn, tveir tilnefndir af STEFi, tveir frá SFH og einn frá Rithöfundasambandinu. Varamenn skulu vera jafnmargir aðalmönnum og tilnefndir á sama hátt. Stjórnin velur sér formann og varaformann. Tilnefning stjórnarmanna gildir í tvö ár.

- 4.2 Stjórnin stýrir starfsemi samtakanna. Fundi skal halda með hæfilegum fyrirvara þegar formaður ákveður eða einn stjórnarmanna óskar þess.
- 4.3 Hver stjórnarmaður hefur eitt atkvæði. Stjórnarfundur er lögmætur þegar formaður og tveir meðstjórnendur sækja fund sjálfir eða varamenn þeirra.
- 4.4 Fulltrúaráð samtakanna skipa tveir menn og einn til vara tilnefndir til tveggja ára af hverju aðildarsambandi svo og stjórnarmenn samtakanna. Varamenn taka sæti aðalfulltrúa í ráðinu í forföllum. Einn fulltrúi frá hverju félagi, sem öðlast hefur aukaaðild að samtökunum, hefur rétt til setu á fundum fulltrúaráðsins. Hefur hann þar málfrelsi og tilögurétt. Aukaaðild að samtökunum fylgir og réttargæsluáðild skv. gr. 6. 2.
- 4.5 Aðalviðfangsefni fulltrúaráðsins eru þessi:
1. Að ákveða í aðalatriðum störf og stefnu Innheimtumiðstöðvarinnar.
 2. Að hafa eftirlit með starfsemi hennar.
 3. Að taka afstöðu til aðildar nýrra samtaka.
- Ákvörðun skv. 4.5.1 og 4.5.3 verður því aðeins tekin í fulltrúaráðinu að $\frac{3}{4}$ greiði því atkvæði sitt.
- 4.6 Aðalfund fulltrúaráðsins skal halda í maímánuði ár hvert. Skal til hans boðað með ábyrgðarbréfum með tveggja vikna fyrirvara. Aðra fundi í fulltrúaráðinu skal boða á sama hátt.
- Á aðalfundi skal taka fyrir þessi mál:
1. Skýrslu stjórnar.
 2. Afgreiðslu endurskoðaðra reikninga.
 3. Kosningu formanns fulltrúaráðsins.
 4. Skýrt frá tilnefningu stjórnar og varamanna sbr. 4.1.
 5. Kosningu tveggja endurskoðenda.
 6. Að taka afstöðu til aðildar nýrra samtaka.
 7. Önnur mál.
- Fulltrúaráðið skal einnig koma saman á hausti hverju eigi síðar en 1. desember. Sá fundur skal fjalla um fjárhagsáætlun næsta árs. Fulltrúaráðið kemur annars saman þegar stjórnin, endurskoðendur eða a.m.k. eitt aðildarsamband óskar þess. Geta skal dagskrár í fundarboði. Tillögur til aðalfundar skulu berast eigi síðar en 1. apríl ár hvert.
- 4.7 Fundinum stjórnar formaður fulltrúaráðsins. Ekki verður ályktað um mál, em ekki er getið í fundarboði. Ákvarðanir skulu teknar með meirihluta atkvæða, sé annað ekki sérstaklega ákveðið.

5. Meðferð fjármála.

- 5.1 Til að mæta kröfum aðila sem standa utan IHM og réttmætt tilkall eiga til greiðslu fyrir upptöku verka á auð bönd til einkanota, skal árlega leggja í varasjóð 5% af vergum tekjum samtakanna. Þegar höfuðstóll sjóðsins er orðinn kr. 2 500 000 miðað við núverandi verðlag, falla greiðslur til hans niður. Sé gengið í höfuðstólinn skulu greiðslur til hans hefjast að nýju skv. sömu reglum.
- 5.2 Eftir að greitt hefur verið til varasjóðs skv. 5.1 og fé lagt til hliðar til greiðslu rekstrarkostnaðar skal skipta rekstrarafgangi félagsins, að frádregnu 15% framlagi í menningarsjóð, á milli aðildarfélaganna sbr. 11. gr. höfundalaga 4. mgr. Fénu skal skipt milli félaganna í þessum hlutföllum: STEF 39 hundraðshluta, SFH 54 hundraðshluta og Rithöfundasamband Íslands 7 hundraðshluta. Hvert aðildarsamband ráðstafar sínum hluta samkvæmt reglum, sem í gildi eru í hverju félagi fyrir sig. Úthluta skal einstaklingsbundið til réttihafa þar sem því verður við komið. Endurskoða skal skiptingu milli aðildarféлага þegar aðildarfélögin eru orðin fleiri en þrjú. Einnig þegar eitthvert aðildarsamtakanna krefst þess. Náist ekki samkomulag þeirra allra, skal gerðardómur skv. 6.1 og 6.2 skera úr ágreiningi.

Stjórn IHM fer jafnframt með stjórn menningarsjóðs ásamt formanni, skipuðum af menntamálaráðuneytinu, að fengnum tillögum höfundaréttarnefndar. Sjóðstjórnin tekur ákvarðanir um úthlutanir úr sjóðnum.

- 5.3 Samtökin geta falið annarri innheimtustofnun höfunda innheimtu gjalda skv. 1. gr. þessarar samþykktar, ef slíkt telst hagkvæmt gegn hæfilegum innheimtulaunum sem samkomulag verður um.

6. Gerðardómur.

- 6.1 Fulltrúaráð IHM skal, ef tilefni gefst, koma á fót gerðardómi sem skipaður skal þremur dómurum, sem sérfróðir eru á sviði höfundaréttar.
- 6.2 Gerðardómurinn er eini dómstóllinn með lögsögu í ágreiningsmálum milli aðildarfélaganna um skilning á samþykktum IHM og meðferð á fé og skiptingu fjár. Ágreiningur milli aðildarfélaganna verður því aðeins lagður í gerð, að um hann hafi áður verið fjallað í stjórninni. Stefnu til gerðardóms verður að senda í síðasta lagi tveimur mánuðum eftir að stjórnin hefur ályktað um málið og kynnt ályktunina fyrir aðilum. Að greindu tímamarki liðnu skal vísa málinu frá. Að öðru leyti gilda reglurnar í lögum á meðferð einkamála í héraði.

Aðildarfélagin tilnefna tvo menn í gerðardóm. Þriðji gerðardómismaður skal skipaður af menntamálaráðherra skv. tilnefningu höfundaréttarnefndar. Nái aðildarfélagin ekki samkomulagi um skipan gerðardómsmanns eða gerðardómsmanna skal hann eða þeir skipaðir af héraðsdómara í Reykjavík.

7. Breytingar á samþykktum. Félagsslit.

- 7.1 Til breytinga á samþykktum þarf meirihluta, $\frac{3}{4}$ hluta atkvæða á fundi, þar sem að minnsta kosti $\frac{1}{2}$ hlutar aðildarfélaganna eru mættir.
- 7.2 Fulltrúaráð skal slíta IHM ef þess er krafist af $\frac{3}{4}$ hlutum aðildarfélaganna. Við félagsslit ákveður menntamálaráðuneytið hvernig ráðstafa skal eignum IHM til hagsbóta fyrir rétthafa.

Í samræmi við 4. mgr. 11. gr. höfundalaga nr. 73/1972 sbr. lög nr. 78/1984 staðfestast ofangreindar samþykktir hér með. Samþykktir þessar öðlast þegar gildi og falla jafnframt úr gildi skv. 11. gr. höfundalaga samþykktir fyrir Innheimtustöð gjalda nr. 517/1984.

Menntamálaráðuneytið, 6. júlí 1993.

Ólafur G. Einarsson.

Pórunn J. Hafstein.

SAMÞYKKT

um byggðarmerki Njarðvíkur.

1. gr.

Byggðarmerki Njarðvíkur skal vera hvítur skjöldur með bláu merki (Scotdic nr. 693009). Merkið er víkingaskip með þanin segl, sem vísa til fortíðar, og yfir svífur þota, tákn nútíðar og framtíðar. Þá eru á merkinu tvær öldur yfir drekahöfði og kórónu, og á hvoru tveggja að vísa til sjávarguðsins Njarðar úr norrænni goðafræði. Milli drekahöfuðsins og seglsins myndast vík, og á þá að vera unnt að lesa nafn bæjarins út úr myndinni.